

ურთიერთთანამშრომლობის მემორანდუმი სსიპ ილიას სახელმწიფო უნივერსიტეტსა და  
შ.პ.ს. საქართველოს უნივერსიტეტს შორის

ქ.თბილისი

1 ივლისი, 2022 წელი

ერთი მხრივ სსიპ ილიას სახელმწიფო უნივერსიტეტი (შემდგომში - ილიაუნი) წარმოდგენილი რექტორის, ნინო დობორჯგინიძის სახით და მეორე მხრივ შ.პ.ს საქართველოს უნივერსიტეტი (შემდგომში - „საქართველოს უნივერსიტეტი“), წარმოდგენილი პრეზიდენტის, მანანა სანაძის სახით (თითოეული წოდებული როგორც „მხარე“, ხოლო ერთად წოდებულნი როგორც „მხარეები“),

გამოთქვამენ რა თანამშრომლობის სურვილს, იმის გათვალისწინებით, რომ საზოგადოების განათლებისა და მეცნიერების მხარდაჭერა, სამოქალაქო საზოგადოების ფორმირება, დასავლურ სამყაროსთან და ევროკავშირთან ინტეგრირება ჩვენი ქვეყნის სტრატეგიული პრიორიტეტია, რაც მიიღწევა დასავლური სტანდარტების შესაბამისი კვალიფიკაციის სპეციალისტების აღზრდით,

გაერთიანებულნი იდეით, რომ ყოველგვარი ინიციატივა ნაყოფიერია, თუ იგი უნივერსიტეტების მჭიდრო თანამშრომლობის საფუძველზე ხორციელდება და პასუხობს მათ სტრატეგიულ მიზნებს, თანხმდებიან შემდეგზე:

მუხლი 1.

1. ილიაუნი და საქართველოს უნივერსიტეტი ითანამშრომლებენ კვალიფიციური პერსონალის გაცვლის მიმართულებით, ისე რომ მხარეებმა დაიცვან უმაღლესი განათლების შესახებ კანონი, უმაღლესი საგანმანათლებლო პროგრამების სტანდარტები, ილიას სახელმწიფო უნივერსიტეტში აკადემიურ თანამდებობაზე კონკურსის ჩატარების წესი და აკადემიურ თანამდებობაზე დასაქმების პირობები და სსიპ ილიას სახელმწიფო უნივერსიტეტის წესდება ასევე საქართველოს უნივერსიტეტის ის წესები რომლებიც არეგულირებს პერსონალის ადმინისტრირების საკითხს რაც გულისხმობს, რომ ყოველი კონკრეტული პერსონალისთვის, საკითხის მნიშვნელობიდან გამომდინარე, სათანადო განხილვის საფუძველზე, ხსენებული შეზღუდვის მოხსნის თაობაზე საჭირო თანხმობა (გადაწყვეტილება) შეიძლება გაიცეს ორივე საგანმანათლებლო დაწესებულების წესებიდან გამომდინარე.
2. კვალიფიციური პერსონალის გაცვლის უზრუნველსაყოფად, წინამდებარე მემორანდუმის საფუძველზე სამეცნიერო საქმიანობაში ჩართვის (ანაზღაურებადი შრომითსამართლებრივი ურთიერთობების დამყარება) მიზნებისთვის მხარეები ასევე თანხმდებიან, რომ დასაქმებულ პირზე-აკადემიურ პერსონალზე ყოველ კონკრეტულ შემთხვევაში მოხდება განხილვა თუ რა ტიპის შეზღუდვები განხორციელდება მათთვის მხარეების მიერ შესაბამისი სამართლებრივი აქტებითა ან/და შრომითი ხელშეკრულებით..

## მუხლი 2.

1. ილიაუნი და საქართველოს უნივერსიტეტი ითანამშრომლობენ სტუდენტთა თანამედროვე პროგრამებით მომზადებისა და კვალიფიკაციის ამაღლების მიმართულებით, რაც გულისხმობს სტუდენტთა (ბაკალავრიატი, მაგისტრატურა, დოქტორანტურა) და აკადემიური პერსონალის - ერთობლივი კონფერენციების, პრეზენტაციების, სემინარებისა და ტრენინგების ორგანიზებას.

## მუხლი 3.

1. ილიაუნი და საქართველოს უნივერსიტეტი ითანამშრომლებენ ერთობლივი სამეცნიერო კვლევების ხელშეწყობისა და განხორციელების მიმართულებით, რაც გულისხმობს სამეცნიერო გრანტებზე ერთობლივი განცხადების წარდგენას, რესურსის არსებობის შემთხვევაში კვლევითი ინფრასტრუქტურის გამოყენებას, კვლევებში ორივე უნივერსიტეტის საუკეთესო სტუდენტების ჩართვას, სტუდენტებისთვის პროფესიული სტაჟირების ხელშეწყობას.
2. რესურსის არსებობის შემთხვევაში ილიაუნი და საქართველოს უნივერსიტეტის ბიბლიოთეკები ითანამშრომლებენ ორმხრივი ინტერესების გათვალისწინებით.
3. მხარეები შეიმუშავენ ერთობლივ პროექტებს საგრანტო კონკურსებში წარსადგენად.
4. მხარეები ეცდებიან ერთობლივად დააფინანსონ ან მოიძიონ დაფინანსების წყაროები სამუშაო შეხვედრების, სტუდენტური პროგრამების განხორციელებისა და საერთაშორისო სემინარების ორგანიზებისთვის, რომელთა მიზანი იქნება საქართველოში საუნივერსიტეტო ცხოვრების განვითარების ხელშეწყობა.

## მუხლი 4.

წინამდებარე მემორანდუმის მხარეების წარმომადგენლები, საჭიროების ან რომელიმე მხარის მოთხოვნის საფუძველზე, შეიკრიბებიან შერეული კომისიის შემადგენლობით, რათა განიხილონ ამ მემორანდუმით გათვალისწინებული პირობების შესრულების მდგომარეობა და შეიმუშონ კონკრეტული სამოქმედო გეგმები.

## მუხლი 5.

1. თანამშრომლობის დამატებითი მიმართულებები და სფეროები შესაძლებელია განისაზღვროს მემორანდუმის საფუძველზე გაფორმებული ცალკე ხელშეკრულებით.
2. წინამდებარე მემორანდუმით გათვალისწინებული კონკრეტული აქტივობების განხორციელება, განისაზღვრება დამატებითი წერილობითი შეთანხმებით მხარეთა შორის და წარმოადგენს მემორანდუმის განუყოფელ ნაწილს.

## მუხლი 6.

წინამდებარე მემორანდუმში მხარეთა ორმხრივი შეთანხმების საფუძველზე შესაძლებელია შეტანილ იქნას ცვლილებები და დამატებები, რომელიც მემორანდუმის განუყოფელ ნაწილს წარმოადგენს.

მუხლი 7.

წინამდებარე მემორანდუმში შესრულებასა და განმარტებასთან დაკავშირებული სადაო საკითხები გადაიჭრება მემორანდუმის მხარეთა შორის კონსულტაციებისა და მოლაპარაკების გზით.

მუხლი 8.

წინამდებარე მემორანდუმში შედგენილია ქართულ ენაზე ორი (2) თანაბარი იურიდიული ძალის მქონე ეგზემპლარად და ინახება მხარეებთან.


მუხლი 9.

წინამდებარე მემორანდუმში ძალაშია ხელმოწერის დღიდან და მოქმედებს 5 წლის ვადით.

სსიპ ილიას სახელმწიფო უნივერსიტეტის

რექტორი

ნინო დობორჯგინიძე



შ.პ.ს საქართველოს უნივერსიტეტის

პრეზიდენტი

მანანა სანაძე

